



大事記卷第七



東萊呂祖謙伯恭

秦始皇帝二十六年

齊王四十四年

定燕地

以年表修

王賁蒙恬自南攻齊入臨淄齊王建降遂滅齊

以本紀世家刊

傳

王初并天下更號皇帝命為制令為詔自稱曰朕

以本紀修

追尊莊襄王為太上皇

本紀

除謚法

本紀

定為水德以十月為歲首色尚黑音尚大呂數以六為

紀以通鑑綱目

從李斯議不置諸侯分天下為三十六郡郡置守尉監

以本紀修

更民名曰黔首紀本

大酺紀本

銷天下兵紀以本

一衡石丈尺文字紀以本

徙天下豪富十二萬戶於咸陽紀以本

采古禮尊君抑臣者為時用餘皆滅之古樂唯舜大韶

周大武房中樂存改周大武曰五行房中曰壽人以通典前

漢志

收秦王之賦租賦鹽鐵二十倍於古更戍力役三十倍

於古以前漢食貨志修

以黃金為上幣銅錢重半兩為下幣龜貝玉不為幣以前

漢志

築女懷清臺以貨殖傳修

秦始皇帝二十七年定齊地以年表修

巡隴西北地至雞頭山過回中通鑑綱目

作極廟以本紀修

賜民爵一級治馳道以本紀修

秦始皇二十八年東巡郡縣祠鄒嶧山刻石頌秦功業
遂封泰山禪梁父望渤海以東求僊人羨門之屬登琅
邪留三月作琅邪臺渡淮之衡山自南郡由武關歸以本

紀封禪書修

秦始皇帝二十九年東游至陽武博狼沙中韓人張良
狙擊始皇不中亡去令天下大索十日遂登之罘琅邪

過怕山道上黨入以本紀封禪書修

甲申秦始皇帝三十年

秦始皇帝三十一年十二月更名臘曰嘉平賜黔首里

六石米二羊紀本

使黔首自實田以本紀徐廣注

微行逢盜閔中大索二十日以本紀修

秦始皇帝三十二年東巡刻碣石門壞城郭決隄防考

入海方士遂巡北邊道上郡入以通鑑綱目本紀封禪書修

蒙恬將三十萬擊匈奴以本紀修

秦始皇帝三十三年發諸嘗逋亡人贅婿賈人擊南越

取其地置桂林南海象郡以本紀修

取閩越東越地置閩中郡以東越傳修

蒙恬大破匈奴單于頭曼北徙悉收河南地置四十四

縣築長城起臨洮至遼東萬餘里以本紀匈奴傳修

運芻粟輸北河以主父偃傳修

以謫徒民南戍五嶺北實河南初縣妖傳修

彗星出西方以史記注修

秦始皇帝三十四年謫治獄吏有罪者築長城及處南

越地以年表通鑑修

從丞相李斯議焚書偶語詩書者棄市以古非今者族

欲學法令者以吏為師以本紀修

秦始皇帝三十五年為直道道九原通甘泉年表

役刑徒七十餘萬人作宮阿房及穿治驪山以本紀修

徙三萬家驪邑五萬家雲陽以本紀修

自謂真人不稱朕以本紀修

坑諸生四百六十餘人於咸陽以本紀修

使長子扶蘇監蒙恬軍於上郡以本紀修

秦始皇帝三十六年熒惑守心以本紀修

隕石東郡以本紀修

徙民三萬家於北河榆中以本紀年表修

秦始皇帝三十七年十月癸丑始皇出遊左丞相斯少

子胡亥從右丞相去疾守十一月至雲夢望祀虞舜上

會稽祭大禹至平原津而病使蒙毅還禱山川七月丙

寅始皇崩於沙丘平臺李斯與宦者趙高矯立胡亥為

太子殺長子扶蘇至咸陽發喪胡亥襲位為二世皇帝
以本紀列傳修

九月葬始皇帝於驪山
以本紀修

殺蒙毅蒙恬子嬰諫不聽
以列傳修

復行錢
年表

大事記卷第七

刊正大三字

大事記卷第八

東萊呂祖謙伯恭

秦二世皇帝
胡亥元年 衛君二十一年 楚隱王陳勝元年 燕王韓廣元年 趙王武臣元年 齊王田儉元年

魏王咎元年

冬十月戊寅大赦
通鑑

以趙高為郎中令
以本紀修

尊始皇廟為帝者祖廟
以本紀修

復自稱朕
以本紀修

春東行郡縣至碣石南至會稽遂至遼東而還
以本紀修

十一月為兔園
年表

夏四月更為法律

以本紀列傳通鑑修

殺諸公子公主

以本紀列傳通鑑修

復作阿房宮

紀以本修

徵材士五萬人屯衛咸陽

紀本

滅衛廢衛君角為庶人

以世修

秋七月發閭左戍戍卒陳勝起兵於蘄據陳自立為楚

王諸郡縣皆殺其長吏以應楚

以本紀列傳通鑑修

楚使吳廣為假王擊滎陽三川守李由守滎陽拒之列

傳修

楚使武臣張耳陳餘徇趙地

以列傳修

楚周文將兵數十萬入函谷關軍於戲秦大赦使少府

章邯將鄴山徒擊之周文敗走出關軍曹陽

以本紀列傳通鑑修

八月武臣至邯鄲自立為趙王

以列傳修

楚使魏人周市徇趙地

以列傳修

趙使韓廣徇燕李良徇常山

以列傳修

九月沛人劉邦起兵於沛下相人項梁起兵於吳

狄人田儋起兵於齊自立為齊王

以通鑑列傳修

韓廣自立為燕王

以列傳修

楚立周市為魏王市不受立魏公子咎為魏王而相之

以列傳修

番陽令吳芮率閩越東越舉兵以應諸侯以前漢列傳修

龍川令趙佗據南海郡以列傳修

秦二世皇帝二年楚懷王元年燕王韓廣二年魏王豹元年

韓王成元年

冬十一月章邯敗周文於曹陽文走澗池章邯又大破

之周文自殺以列傳修

楚田臧殺吳廣以列傳修

從李斯請行督責以列傳修

趙李良弑其王武臣來降以張耳傳修

十二月章邯擊陳破楚軍楚莊賈弑其王陳勝以降以列傳修

傳年表修

端月趙張耳陳餘立趙歇為趙王以年表列傳修

楚秦嘉立景駒為楚王以年表列傳修

章邯圍魏王於臨濟以年表列傳修

楚劉邦以張良為廐將用其策以列傳修

二月楚項梁以八千人渡江淮收兵六七萬人軍下邳

以本紀修

三月楚劉邦以兵屬項梁以本紀月表修

四月楚項梁破秦嘉軍嘉與景駒皆死以本紀月表修

魏周市如齊楚請救以月表修

楚項籍拔襄城坑其人以本紀修

六月項梁會諸別將於薛立楚懷王孫心為楚懷王都

盱台以本紀修

楚立韓公子成為韓王以張良為韓司徒以本紀修

齊王及楚將項它將兵救魏章邯大敗齊楚軍於臨濟

下殺齊王田儋及魏相周市魏王咎為其民約降約定

自燒殺以本紀修

章邯圍齊田榮於東阿以本紀修

七月齊人立故齊王建弟假為王以本紀修

大霖雨三月以本紀修

八月楚項梁救田榮破章邯軍於東阿下以本紀修

齊田榮逐其王假立齊王儋子市為齊王以本紀修

楚項梁請齊共擊章邯田榮不許以本紀修

用趙高計屠禁中不見大臣以本紀修

右丞相馮去疾左丞相李斯將軍馮劫請止阿房宮省

邊戍詔以屬吏去疾劫皆自殺以本紀修

楚項籍劉邦大破秦軍於雍丘殺三川守李由以本紀修

李斯具五刑夷三族以趙高為中丞相以本紀修

殺博士正先以漢書京房傳修

九月章邯大破楚軍定陶殺項梁以本紀修

楚懷王自盱台都彭城以漢書本紀修

楚立魏豹為魏王以月表漢書本紀修

後九月楚懷王并呂臣項籍軍以漢書本紀修

章邯擊趙大破之圍趙王鉅鹿以本紀修月表修

楚懷王與諸將約先定關中者王之使宋義項籍范增

救趙使劉邦西入關以本紀修

秦二世皇帝三年楚懷王心二年趙王歇二年齊王田韓王成二年

二年

冬十一月楚項籍殺上將軍宋義懷王因使項籍為上

將軍以本紀修

十二月楚項籍渡河大破秦軍虜王離解鉅鹿圍以本紀修

項籍為諸侯上將軍以本紀修

趙陳餘亡居南皮以月表修

春二月楚項籍破章邯邯退軍棘原以月表本紀修

夏四月楚項籍急攻章邯邯請益兵趙高不許以月表修

六月楚項籍大破章邯吳水上以本紀修

秋七月楚劉邦取南陽郡以漢書本紀修

章邯以軍降楚項籍以本紀修

八月楚劉邦破武關以本紀修

趙高弑帝于望夷宮立子嬰為王通鑑綱目

九月誅趙高夷三族以本紀列傳修

楚劉邦破峽關以本紀修

楚義帝心元年漢高帝邦元年西楚霸王籍元年

冬十月劉邦至霸上秦王子嬰降遂西入咸陽封府庫

還軍霸上待諸侯約以本紀月表修

項籍將諸侯兵四十餘萬畧地西至河南以月表修

十一月劉邦與秦民約法三章以本紀修

項籍坑秦降卒二十萬於新安以本紀月表修

劉邦使兵守函谷關以本紀修

十二月項籍破函谷關軍戲西鴻門遂屠咸陽殺故秦

王子嬰燒宮室火三月不滅以本紀修

項籍不欲劉邦王關中使人致命懷王懷王曰如約以本紀修

修紀

春正月諸侯尊懷王為義帝以月表

二月項籍為天下主命徙義帝江南都郴分楚為四自

立為西楚霸王封楚將英布為九江王楚共敖為臨江

王番君吳芮為衡山王分秦為四封沛公劉邦為漢王

遷之漢中封秦降將章邯為雍王司馬欣為塞王董翳

為翟王三分關中以距漢分齊為三徙齊王田市為膠

東王封齊將田都為齊王田安為濟北王分趙為二徙

趙王趙歇為代王封趙相張耳為常山王分燕為二徙

燕王韓廣為遼東王封燕將臧荼為燕王分魏為二徙

魏王豹為西魏王封趙將司馬卬為殷王分韓為二韓

王成如其故封楚將申陽為河南王以月表本紀

漢王欲攻西楚蕭何諫乃止以漢書列傳修

四月諸侯罷戲下各就國紀本

趙佗自立為南越王以列傳修

漢以蕭何為丞相周苛為御史大夫遣張良歸韓以世家年

表修

五月齊田榮距擊齊王都都走西楚以本紀列傳修

齊田榮弒膠東王市自立為齊王以月表列傳修

秋七月齊王田榮使彭越擊殺濟北王安遂并三齊之

地以列傳修

齊彭越擊西楚與蕭公角戰大破之以列傳通鑑修

陳餘請兵于齊以擊常山以列傳修

西楚霸王不遣韓王成就國廢為穰侯尋殺之張良復

歸漢以世家通鑑綱目修

西楚奪衡山王吳芮地復以為番君以本紀修

漢王以韓信為大將留蕭何漢中給軍食以列傳世家修

八月漢王從故道襲雍大破雍王章邯於陳倉塞王司馬

欣翟王董翳皆降遂定關中 雍王章邯守廢丘不下

圍之以漢本紀修

遼東王韓廣不肯徙國燕王臧荼殺之并其地以漢書本紀修

西楚立故吳令鄭昌為韓王以距漢以漢書本紀修

漢高皇帝二年西楚霸王二年

冬十月西楚霸王項籍弑義帝綱目通鑑

陳餘襲常山常山王張耳敗歸漢陳餘復立代王趙歇

為趙王封陳餘為代王留傳趙使夏說守代以列傳修

漢王如陝本紀

河南王申陽降漢置河南郡以本紀修

漢以韓襄王孫信為韓太尉擊韓韓王鄭昌降以本紀列傳修

十一月漢立韓太尉信為韓王以本紀列傳修

漢王都櫟陽以本紀修

漢拔雍隴西以月表修

漢繕治河上塞 故秦苑囿園池令民得田之本紀

春正月西楚霸王伐齊與齊王田榮戰於城陽榮敗走

為平原民所殺以本紀修

漢拔雍北地以漢書本紀修

漢大赦以本紀修

二月西楚復立故齊王田假為齊王以月表修

漢令民除秦社稷立漢社稷紀本

漢置縣鄉三老以漢書本紀修

殷王司馬卬叛西楚西楚使陳平擊降之以世家修

三月齊田橫收齊散兵逐齊王假以列傳月表修

漢王渡河西魏王豹降以本紀修

漢王下河內虜殷王卬置河內郡紀本

楚陳平降漢以世家修

漢王為義帝發喪于洛陽以本紀修

夏四月齊田橫立齊王榮子廣為齊王西楚霸王攻之

不下以本紀修

漢以彭越為魏相國徇魏地以漢書本紀修

漢王率五諸侯兵五十六萬人伐楚入彭城西楚霸王

自齊還大破漢軍睢水上漢王遁楚以太公呂后歸以本

齊田橫畫定三齊之地以列傳修

漢王還至下邑下馬踞鞍問張良曰吾欲捐關以東誰

可與者良曰捐之黥布彭越韓信三人則楚可破以世家修

五月漢王屯滎陽軍復振與楚戰滎陽南京索間破之

以漢書本紀修

漢築甬道取敖倉粟以本紀修

以本紀修

魏王豹叛漢附楚以漢本紀修

六月漢還都櫟陽壬午立子盈為太子大赦令太子守

櫟陽諸侯子在關中者皆集櫟陽為衛以本紀修

漢引水灌廢丘雍王章邯自殺以本紀修

漢置河上渭南中地隴西北地上郡以史記漢書本紀修

漢修祀典以本紀修

關中大饑以本紀修

漢王如滎陽以本紀修

九月漢韓信滅魏虜魏王豹以漢本紀修

後九月漢韓信禽代相夏說於關與遂取代以韓信傳修

匈奴冒頓弑其父頭曼自立為單于復取秦蒙恬所奪

地以漢書列傳修

漢高皇帝三年西楚霸王三年

冬十月漢韓信張耳大破趙軍於井陘口殺陳餘虜趙

王歇遂滅趙以漢本紀列傳修

漢韓信遣使說燕王臧荼下之以列傳修

甲戌晦日有食之以漢本紀

十一月九江王布叛楚楚使龍且擊破之布奔漢以漢本紀

通鑑

癸卯晦日有食之以本紀

十二月漢王屯成臯以漢本紀列傳修

漢丞相蕭何遣昆弟子從孫軍以世家修

漢王遣酈食其立六國後以張良諫而止以漢本紀列傳修

夏四月西楚霸王圍漢王於滎陽以漢本紀修

楚范增辭歸道卒以漢本紀修

五月漢王留周苛守滎陽遁入關復出軍宛葉間以漢本紀修

漢彭越擊西楚以漢本紀修

漢王復軍成臯以漢本紀修

六月西楚霸王拔漢滎陽殺周苛遂圍漢王于成臯漢

王走渡河奪韓信軍遣韓信擊齊以漢本紀列傳修

秋七月有星孛于大角以漢本紀修

臨江王共敖薨子尉嗣以漢本紀修

八月漢使彭越劉賈燒楚積聚以漢本紀修

漢彭越徇梁地取十七城以漢本紀修

九月西楚霸王留曹咎守成臯自擊彭越復取十七城以漢本紀修

漢遣酈食其說齊下之以漢本紀修
綱鑑目

漢高皇帝四年
西楚霸王四年

冬十月漢韓信襲破齊歷下軍齊王田廣走高密西楚

使龍且救齊以漢本紀修

漢大破楚軍於汜水殺曹咎以漢本紀修

漢王渡河復取成臯與西楚霸王皆軍於廣武以漢本紀修

十一月漢韓信大破齊楚於濰水殺龍且虜齊王廣齊

相田橫自立為齊王灌嬰敗之橫奔彭越遂盡定齊地

以本紀列傳修

漢立張耳為趙王以漢本紀修

漢王還櫟陽四日復如廣武以漢本紀修

春二月漢使張良立韓信為齊王以漢本紀修

蒯徹說齊王韓信以三分天下之計不從以漢本紀修列傳

秋七月漢立黔布為淮南王以漢本紀修

八月漢初箕賦以漢本紀修

北貉燕人致梟騎助漢以漢本紀修

漢王令軍士死者吏為棺斂轉送其家以漢本紀

漢以周昌為御史大夫以年表修

西楚與漢約中分天下以鴻溝為界九月西楚歸太

公呂后於漢解而東

大事記卷第八

大事記卷第九

二

漢書

漢書卷九十八

漢書卷九十八

漢書卷九十八

漢書卷九十八

漢書卷九十八

漢書卷九十八

大事記卷第九

東萊呂祖謙伯恭

漢太祖高皇帝五年冬十月王追西楚項籍至固陵追

使許齊王韓信魏相國彭越地皆引兵來會紀以本修

十一月西楚大司馬周殷舉九江兵降紀以本修

十二月王與諸侯兵大破西楚軍於垓下項籍走死東

城楚地悉定紀以本修

封項伯等四人為列侯賜姓劉氏故項籍臣稱其主名

者盡拜為大夫鄭君不從逐之列以本紀傳修

王還至定陶奪齊王韓信軍紀以本修

盧縮滅臨江虜其王尉紀以本修

春正月徙齊王信為楚王封魏相國彭越為梁王紀以本修

赦天下紀以本修

二月甲午即王帝位于定陶汜水之陽事以本紀修人

更王后曰王后太子曰皇太子追尊先媼曰昭靈夫人

通鑑

封故衡山王吳芮為長沙王故粵王亡諸為閩粵王

紀以本修

帝西都洛陽

夏五月兵皆罷歸家紀本

復諸侯子在關東者十二歲紀以本修

民聚保山澤者令各歸其縣復故爵田宅自賣為人奴

婢者免為庶人紀本

詔中尉長吏善遇高爵紀以本修

置酒洛陽南宮紀本

召故齊王田橫未至洛陽三十里自殺以通鑑修

以季布為郎中斬丁公以徇綱通鑑目

帝西都關中紀以本修

六月赦天下紀以本修

秋七月燕王臧荼反陷代地帝自將征之以史記漢書本紀修

趙景王耳長沙文王芮皆薨

以史記月表通鑑修

八月立趙太子敖為趙王長沙太子臣為長沙王

以史記

紀月表修

九月滅燕虜滅荼封太尉盧綰為燕王罷太尉官

以本漢史

紀年表修

使樊噲以丞相將兵攻代

以史記本紀修

項籍故將利幾反帝自擊破之

以本紀修

後九月治長樂宮于長安

以史記前漢本紀修

漢太祖高皇帝六年冬十月令天下縣邑城

本紀修

十二月帝遊雲夢會諸侯于陳楚執王韓信是日赦天

下以皇極經世史記本紀修

帝還至雒陽赦韓信封為淮陰侯

本紀

甲申始割符封大功臣二十餘人為徹侯

以通鑑修

春正月丙午分楚地為二國以淮東東陽鄆吳三郡五

十三縣封從兄將軍賈為荆王以淮西碭薛郟二郡三

十六縣封弟文信君交為楚王

以史記漢書本紀通鑑修

壬子以雲中鴈門代三郡封兄宜信侯善伐王為以膠

東膠西臨淄濟南博陽城六陽郡七十三縣封子肥為

齊王

以本紀修

以曹參為齊相國

以列傳修

諸侯得自除御史大夫群卿以下眾官如漢朝高五王傳

徙韓王信國於太原紀以本修

三月封雍齒為什方侯通以本紀修

定功行封又作元功十八人位次通以史記來總修

帝歸櫟陽紀以本修

張良杜門不出傳以列修

夏五月丙午尊太公為太上皇通鑑

立大市於長安以史記年表修

以張蒼為主計傳以列修

秋匈奴冒頓圍韓王信於馬邑九月信以馬邑降匈奴

與匈奴南攻太原至晉陽列以本紀修

命叔孫通徵魯諸生起朝儀有兩生不肯行傳以列修

漢太祖高皇帝七年冬十月長樂宮成諸侯羣臣朝正

於長樂宮始用新儀以叔孫通為奉常以列傳年表修

命蕭何次律令韓信申君法張蒼定章程紀本

帝北征韓王信于銅鞮信走匈奴遂征匈奴至平城白

登為匈奴所圍七日用陳平計得出以皇極經世本紀修

十二月帝還過趙不禮趙王張敖紀以本修

匈奴攻代代王棄國自歸雒陽赦為合陽侯紀本

辛卯封子如意為代王紀以本修

春令郎中有服耐以上請之民產子復勿事二歲紀本

以史記漢書本紀修

治未央宮立東闕北闕前殿武庫太倉紀本

置宗正官以序九族紀本

夏四月帝如洛陽紀本

以陳豨為趙相國監趙代邊兵以本紀盧

徙豐民於驪邑更命曰新豐以地理志修

漢太祖高皇帝八年冬帝東擊故韓王信餘寇於東垣

還過趙相貫高謀為逆不果以稽古錄修

以建武侯靳歙為車騎將軍以列傳荀悅漢紀修

十二月帝至自東垣以本紀修

春三月帝如洛陽以本紀修

復吏率至平城者終身以本紀修

令賈人毋得衣錦繡綺縠締紵罽操兵乘騎以本紀修

秋八月吏有罪未發覺者赦之紀本

九月帝至自雒陽以本紀修

漢太祖高皇帝九年冬十月未央宮成淮南王英布梁

王彭越趙王張敖楚王交及羣臣朝於未央宮置酒前

殿帝奉玉卮為太上皇后以史記漢書本紀修

遣劉敬奉宗室女翁主名為長公主以妻匈奴單于

漢書列傳修

十一月徙楚昭氏屈氏景氏懷氏齊田氏及燕趙韓魏

強族于閔中以史記漢書本紀列傳修

十二月帝如洛陽以本紀修

春正月廢趙王張敖為宣平侯徙代王如意為趙王

以本紀修

詔丙寅前殊死以下皆赦之通鑑

二月帝至自洛陽以本紀修

以張敖故臣田叔孟舒等十人為郡守諸侯相以本紀修

夏六月晦日有食之既以本紀五行志修五

以丞相蕭何為相國以年表修

罷渭南河上中地郡復隸內史以地理志修

以御史大夫周昌為趙丞相以年表修

甲辰漢太祖高皇帝十年冬十月淮南王英布燕王盧

縮荆王賈梁王彭越楚王交齊王肥長沙王吳臣刺朝

於長樂宮以史記本紀修

以符璽御史趙堯為御史大夫以史記漢書年表周昌傳修

夏五月太上皇崩于櫟陽宮漢書通鑑

秋七月癸卯葬太上皇于萬年楚王梁王皆來送葬赦

櫟陽囚漢紀通鑑史紀

八月令諸侯王立太上皇廟于國都紀本

九月趙相國陳豨反於代帝北征次于邯鄲以漢書史記本紀皇

極經世修

詔縣道官獄疑者各讞所屬不能決者移廷尉廷尉不

能決者以聞以荀悅漢紀刑法志修

漢太祖高皇帝十一年冬十月帝在邯鄲大破陳豨軍

以周勃為太尉定代地以本紀年表修

春正月淮陰侯韓信謀反長安夷三族紀本

故韓王信與匈奴據參合樊噲柴武擊斬之以本紀列傳修

帝還雒陽以本紀修

封子恒為代王頗取山南太原之地益屬代代之雲中

以西為雲中郡以本紀修

赦天下本紀

二月立郡國朝獻口賦法以通鑑綱目修

詔郡國求賢通鑑綱目

三月廢梁王彭越為庶人徙蜀尋夷三族以本紀列傳修

分梁地為二國立子恢為梁王子友為淮陽王以本紀列傳修

夏四月帝至自雒陽以本紀修

五月遣陸賈立秦南海尉趙佗為南粵王以本紀修

帝有疾樊噲排闥問疾以通鑑列傳修

秋七月淮南王英布反擊殺荆王劉賈并其地北渡淮

擊楚楚王交走入薛以史記漢書本紀修

帝自征英布發關中巴蜀兵為皇太子衛軍霸上赦天

下死罪以下皆從軍以本紀修

立子長為淮南王以史記本紀修

漢太祖高皇帝十二年冬十月帝大破英布軍於蘄西

布走渡淮數止戰不利與百餘人走江南長沙王吳臣

誘殺之於番陽以本紀列傳修

帝還過沛置酒沛宮復其民世世無所與以本紀修

周勃樊噲定代郡鴈門雲中地斬陳豨於當城以通鑑史記本

紀修

省太尉官以年表修

更以荆為吳國立元喜之子沛侯濞為吳王以通鑑本紀列傳修

十一月帝過魯以太牢祠孔子以本紀修

十二月帝至自淮南以荀氏漢紀修

帝欲以趙王如意易太子張良叔孫通諫不聽太子侍

燕東園公角里先生綺里季夏黃公皆從帝見之大驚

遂止以列傳修

下相國蕭何廷尉即赦出之以列傳通鑑修

帝召燕王盧綰不至春二月使樊噲擊之以本紀列傳修
立子建為燕王紀本

立南武侯織為南海王不克就國以本紀及注修

三月詔不義擅起兵者天下共誅之以本紀修

刑白馬與羣臣盟非劉氏不得王非有功不得侯不如

約者天下共誅之是時同姓王者九國唯長沙王吳臣

以異姓特王天子所有者凡十五郡以史記年表漢書五陵周亞夫吳芮

修傳

詔陳平誅樊噲以周勃代將平縛噲傳詣長安以本紀修列

夏四月詔陳平灌嬰將兵十萬屯滎陽以本紀列傳修

甲辰帝崩于長樂宮丁未發喪赦天下以本紀修

以陳平為郎中令復樊噲爵邑以本紀修

盧綰亡入匈奴以本紀修

五月丙寅葬長陵皇太子群臣反至大上皇廟上謚曰

高皇帝是日太子嗣位是為孝惠皇帝以本紀修

尊皇后曰皇太后以本紀修

詔高爵宗宮室外戚民老者幼者有罪寬其刑以本紀及注修

田租復十五稅一以本紀修

詔吏六百石以上其家唯給軍賦故吏嘗佩二千石官

印者亦如之以本紀修

令郡國立高皇帝廟以本紀修

漢孝惠皇帝元年冬改諸侯王相國為丞相荀氏漢紀

召趙丞相周昌諸長安以列傳修

太后殺趙王如意及其母戚氏以皇極經世修

令民買爵以贖罪以本紀修

賜民爵一級以本紀修

徙淮陽王友為趙王以本紀修

賜酈侯呂台父周呂侯澤謚曰令武以本紀修

始作長安城西北方以本紀修

漢孝惠皇帝二年冬十月楚王交齊王肥來朝以本紀修

齊王獻城陽郡為長公主湯沐邑尊公主為太后以本紀修

傳修

春正月有兩龍見蘭陵家人井中以本紀修

隴西地震以本紀修

夏早以本紀修

秋七月辛未相國鄒文終侯蕭何薨以本紀修

癸巳以齊丞相平陽侯曹參為相國以本紀修

漢孝惠王皇帝三年春大發關中民城長安三十日罷以本紀修

復以宗室女為公主妻匈奴單于以本紀修

夏五月立閩越君搖為東海王

紀本

六月發諸侯王列侯徒隸二萬人城長安

紀本

秋七月都廐災

紀本

南越王趙佗入貢

紀本

蜀湔氏反擊平之

紀本
以史記大事通鑑修

漢孝惠王^皇帝四年冬十月壬寅立長公主女張氏為皇

后

以本紀列傳修

春正月舉民孝弟力田有復其身

紀本

三月甲子皇帝冠赦天下

紀本

省法令妨吏民者

紀本

除挾書律

紀本

立原廟渭北

以通鑑修

長樂宮鴻臺災

紀本

雨血于宜陽

紀漢

秋七月乙亥未央宮凌室災丙子織室災

紀本

漢孝惠皇帝五年冬十月雷桃李華棗實

紀本

春正月復發關中民城長安三十日罷

紀本

夏大旱

紀本

秋八月己丑相國平陽懿侯曹參薨

紀本

九月長安城成

紀本

漢孝惠皇帝六年冬十月諸侯王以都城成來賀以史記本

紀修

以安國侯王陵為右丞相曲逆侯陳平為左丞相以年表修

齊悼惠王肥薨

遣張良立齊太子襄為齊王赦齊境內以列傳史記大事記修

匈奴單于冒頓為書嫚太后樊噲請擊之從季布議

而止以列傳修

令民得賣爵以本紀修

民女子年十五以上至三十不嫁五筭以本紀修

夏六月舞陽武侯樊噲薨以本紀修

立西市修太倉以史記大事記漢書本紀修

留文成侯張良薨以通鑑漢紀修

以周勃為太尉通鑑

漢孝惠皇帝七年冬十月詔灌嬰將車騎材官屯滎陽

以本紀修

春正月辛丑朔日有食之以本紀修

夏五月丁卯日有食之既以本紀修

秋七月戊寅帝崩于未央宮以本紀修

太后使呂產將南北軍以通鑑綱目

九月辛丑葬安陵皇后張氏名後宮子為太子至是即

位謁高廟以本紀

太后臨朝稱制赦天下紀本

甲寅漢高皇后呂氏元年冬十一月甲子以右丞相王

陵為帝太傅左丞相陳平為右丞相典客辟陽侯審食

其為左丞相食其不治事監宮中以史記本紀

太傅王陵謝病免以列傳修

追尊太后父臨泗侯呂公為宣王兄周呂令武侯澤為

悼武王以通鑑修

春正月除三族臯妖言令紀本

二月置孝弟力田官一人秩二千石以本紀修

夏四月長公主薨立公主子襄偃為魯王謚公主曰魯

元太后以通鑑修

辛卯立孝惠後宮子彊為淮陽王不疑為恒山王山為

襄城侯朝為軹侯武為壺關侯割齊之濟南郡為呂國

立酈侯呂台為呂王以史記本紀

五月趙王宮叢臺災紀本

秋桃李華紀本

御史大夫趙堯抵罪以上黨守任教為御史大夫以漢紀百

官表

漢高皇后呂氏二年冬十一月呂肅王呂台薨立呂太

子嘉為呂王

以鑑通史
記本紀修

春正月詔定列侯朝位

以本
紀修

己卯地震羗道武都道山崩

本
紀

楚王遣子邳客入都受業齊王遣弟章入宿衛

五月丙申封邳客為上邳侯章為朱虛侯以邳客為宗受

以呂祿女妻章

以年表
列傳修

六月丙戌日有食之

本
紀

秋七月恒山王不疑薨無後立襄成侯山為恒山王更

名義

以史記漢書
本紀通鑑修

行八銖錢

本
紀

封鄼文終侯蕭何夫人同為鄼侯

以史記
年表修

漢高皇后呂氏三年夏江水漢水溢流民四千餘家

本
紀

秋星晝見

本
紀

伊水洛水溢流千六百餘家汝水濫流八百餘家

通
鑑

漢高皇后名氏四年春二月癸未封孝惠後宮子太為

昌平侯

以年表
通鑑修

夏四月丙申封淮陽丞相呂勝為贄其侯楚丞相呂更

始為滕侯呂忿為呂成侯太中大夫呂它為俞侯舞陽

武侯樊噲夫人呂頰為臨光侯

以史記本
紀年表修

廢少帝幽殺之五月丙辰立恒山王義為帝更名曰弘

不稱元年

以通鑑本紀修

封軹侯朝為恒山王

以史記本紀修

以平陽侯曹震為御史大夫

通鑑

禁南越關市鐵器

通鑑

漢高皇后呂氏五年春南越王趙佗自稱南武帝

紀本

秋八月淮陽王彊薨立壺關侯武為淮陽王

以通鑑修

九月發河東上黨騎屯比地

紀本

初令戍卒歲更

以史記大事記修

漢高皇后呂氏六年冬十月廢呂王呂嘉十一月立肅

王弟產為呂王

以通鑑修

春星晝見

紀本

夏四月丁酉赦天下

紀本

齊王遣弟興居入宿衛封為東牟侯

以列傳年表修

秩長陵令二千石六月城長陵

紀本

匈奴寇狄道攻河陽

紀本

行五分錢

紀本

漢高皇后呂氏七年冬十二月匈奴寇狄道

紀本

春正月丁丑趙王友幽死于邸

紀本

己丑晦日有食之既晝晦

以史記漢書本紀修

二月徙梁王恢為趙王呂王產為梁王梁王不之國為

帝太傳通鑑王外高王呂王武高王景王不國

立惠帝後宮子平昌侯太為呂王更名梁曰呂呂曰濟

川史記本紀

割齊琅邪郡立高祖從祖弟大將軍營陵侯澤為琅邪

王以本紀年表修

夏五月追尊太上皇妃昭靈夫人曰昭靈后以本紀修

六月趙王恢自殺廢其嗣以本紀修

朱虛侯章侍宴以軍法行酒以本紀修

陸賈說丞相陳平與太尉周勃相結以本紀修

秋使使告代王恒欲徙王趙恒謝願守代邊乃立武信

侯呂祿為趙王以本紀修

九月燕靈王建薨太后殺其子國除以本紀修

南越侵長沙遣隆慮侯周竈擊之以本紀修

漢高皇后呂氏八年冬十月辛丑立呂肅王子東平侯

通為燕王通鑑

春三月太后祓還遂病以本紀修

夏四月丁酉封中大謁者張釋為建陵侯諸中官宦者

令丞皆為閔內侯以本紀修

江水漢水溢流萬餘家以本紀修

秋七月以趙王呂祿為大將軍將北軍呂王產居南軍

以史記本紀修

辛巳太后崩于未央宮遺詔赦天下以產為相國祿女

為帝后以史記本紀修

合葬長陵史記世家

以左丞相審食其為帝太傅以史記本紀修

八月丙午齊王舉兵討呂氏西攻呂國之濟南以史記本紀修

紀列傳修

相國呂產使灌嬰擊齊嬰留屯滎陽與齊連和以史記本紀修

九月庚申太尉周勃入北軍使朱虛侯章入宮殺呂產

及長樂衛尉呂更始諸呂無少長皆斬之以史記本紀修

辛酉廢魯王張偃為南宮侯以史記本紀修

壬戌復以帝太傅審食其為左丞相尋免以史記本紀修

戊辰徙濟川王太后梁王立趙幽王子遂為趙王以史記本紀修

遣朱虛侯章告齊王罷兵灌嬰兵亦罷滎陽而歸以史記本紀修

諸大夫迎立代王恒後九月己酉晦至長安廢少帝代

以史記本紀修

王即皇帝位是為文帝誅高后所名惠帝子弘朝武太

以代中尉宋昌為衛將軍鎮撫南北軍代郎中令張武

以史記本紀年表修

大事記卷九

為郎中令以史記本紀修

赦天下賜民爵一級女子百戶牛酒酺五日

以史記漢

書本紀及注修

大事記卷第九

大事記卷第十

東萊呂祖謙伯恭

漢孝文皇帝元年冬十月庚戌徒立故琅邪王澤為燕

王史記本紀

辛亥皇帝即阼謁高廟史記本紀

尊代太后曰皇太后壬子遣太后弟車騎將軍薄昭奉

迎于代以史記本紀修

增丞相陳平太尉周勃朱虛侯章等封邑以史記漢書本紀修

十一月徙右丞相陳平為左丞相太尉勃為右丞相太

將軍灌嬰為太尉以通鑑修

呂氏所奪齊楚地皆歸之

漢書本紀

十二月除叔挈諸相坐律令

史記本紀

春正月有司請蚤建太子詔曰其安之有司三請乃立

長子啓為太子賜天下民當為父後者爵一級

以本紀修

三月立太子母竇氏為皇后賜天下鰥寡孤獨窮困高

年孤兒布帛米肉

以史記本紀修

選皇后兄弟師傅賓客

以通鑑修

楚元王交薨太子辟非先率立次子宗正上邳侯郢客

為楚王

以本紀列傳修

夏四月齊楚地震二十九山同日崩大水潰出

本記

六月令郡國無來獻

令民賦四十丁男三十而一事

以賈指之傳修

脩代來功封衛將軍宋昌為壯武侯

以本紀修

從高帝入漢中者列侯益封二千石以上賜食邑

以本紀修

秋八月辛未右丞相勃免左丞相平壽為丞相

通鑑

遣陸賈諭南越趙佗謝罪去帝號

以史記列傳修

齊哀王襄薨立太子則為王

以本紀世家修

以賈誼為太中大夫

以百官表列傳修

漢孝文皇帝二年冬十月丞相曲逆獻侯陳平薨

通鑑綱目

詔列侯各之國

以本紀修

十一月乙亥周勃復為丞相通鑑

癸卯晦日有食之詔求言舉賢良方正罷衛將軍軍省

太僕馬以本紀修

穎陰侯騎賈山上書言事以列傳修

春正月丁亥親耕籍田以本紀修

三月立趙幽王少子辟彊為河間王朱虛侯章為城陽

王東牟侯興居為濟北王皇子武為代王恭為太原王

揖為梁王以本紀修 子武為代王恭為原王

以太中大夫石奮代張相如為太皇子太傅以蜀漢紀修

三月除誹謗妖言律以本紀史記大事記修

九月初與郡國守相為銅虎符竹使符本史紀

賜天下民今年田租之半本紀

燕敬王澤薨立子嘉為燕王以年表列傳修

甲子漢孝文皇帝三年冬十月丁酉晦日有食之十一

月丁卯晦日有食之本紀

絳侯周勃免丞相就國以太尉穎陰侯灌嬰陰為丞相罷

太尉官屬丞相以本紀修

夏四月城陽王章薨立子喜為城陽王以本紀列傳修

吳王濞淮南王長來朝以年表史記修

淮南王長殺辟陽侯審食其本紀

五月匈奴寇北地上郡之河南帝幸甘泉命丞相灌嬰將車騎八萬五千擊之於高奴匈奴敗去以漢書本紀

灌嬰匈奴傳修

發中尉材官屬衛將軍軍長安本紀

帝自甘泉之高奴因幸太原本紀

徙代王武為淮陽王太原王參為代王以太原國地盡

與代以史記漢書諸侯王表史記大事記修

濟北王興居反罷丞相兵以陳武為大將軍帥四將軍

十萬眾擊之復以祁侯繒賀為將軍軍滎陽以史記漢書本紀修

秋七月帝至自太原本紀

八月陳武破濟北軍虜其王興居興居自殺以史記漢書本紀修

以太中大夫賈誼為長沙王太傅以列傳修

漢孝文皇帝四年冬十二月乙巳穎陰懿侯灌嬰薨

以年表通鑑修

春正月甲午以御史大夫北平侯張蒼為丞相以史記漢書年表修

召河東守李布至即罷歸郡以列傳荀氏漢紀修

以安丘侯張說為將軍擊匈奴出代以史記年表修

匈奴單于冒輔請和親許之以列傳修

夏五月復諸劉有屬籍家無所與賜諸侯王子邑各二

二千戶

紀本

六月雨雪

漢荀氏紀

秋七月絳侯周勃下廷尉赦復爵邑

以列傳修

作顧成廟

紀本

漢孝文皇帝五年春二月地震

紀本

夏四月更造四銖錢除盜鑄錢令使民得自鑄

通鑑

楚夷王郢客薨立太子戊為楚王

以年表修

漢孝文皇帝六年冬十月桃李花

紀本

十一月淮南王長謀反廢遷蜀嚴道至雍死

以本紀修

帝幸上林中即將袁盎却慎夫人坐

以列傳修

遣中大夫意使匈奴頃之冒頓死子稽粥立號老上單

于復以宗室女為公主妻單于

以列傳修

漢孝文皇帝七年冬十月令諸侯王子列侯母妻及吏

二千石無得擅徵捕

紀本

夏四月赦天下

紀本

初置南陵

史記大事記

六月癸酉未央宮東闕采蔥災

紀本

召長沙王太傅賈誼入見遷為梁王太傅

以列傳修

漢孝文皇帝八年梁王太傅賈誼陳政事

以列傳修荀氏漢紀

夏封故淮南王長子四人為列侯

以史記列傳漢書本紀修

有長星出於東方

紀本

漢孝文皇帝九年春大旱

紀本

溫室鐘自鳴

史記大事記

漢孝文皇帝十年冬帝幸甘泉

紀本

將軍薄昭有罪自殺

綱目通鑑

帝幸上林拜虎圈魯夫為上林令謁者僕射張釋之

諫乃止

以荀氏漢紀史記列傳修

諸侯王皆來朝

以史記大事記修

遣太常掌故鼂錯往濟南伏生所受尚書

以本傳儒林傳修

漢孝文皇帝十一年冬十一月帝幸代春正月帝幸

代

以本紀修

夏六月梁懷王揖薨無子國除

荀氏漢紀

徙淮陽王武為梁王北界泰山西至高陽四十餘縣又

徙城陽王喜為淮南王

以賈誼傳修

博士鼂錯論太子未知術數拜為太子家令

以列傳修

匈奴寇狄道從鼂錯議募民徙塞下

以通鑑修

漢孝文皇帝十二年冬十二月河決東郡酸棗潰金隄

興卒塞之

以史記大事記河渠書修

春正月賜諸侯王女邑各二千戶

紀本

二月出惠帝後宮美人令得嫁

以本紀修

三月除閔無用傳紀本

鼂錯請募民入粟於邊拜爵免罪從之以通鑑修

賜農民今年租稅之半紀本

遣謁者勞賜三老孝者悌者力田廉吏縣以戶口率置

三老孝悌力田常員以本紀修

吳國有馬生角以荀氏漢紀修

追謚故淮南王長為厲王以列傳修

甲戌漢孝文皇帝十三年春二月詔具親耕桑禮儀以漢

紀修

夏除祕祝紀本

五月除肉刑紀本

盜殺御史大夫馮敬以賈誼傳修

故梁王太傅賈誼卒以本傳年表修

六月除田租稅紀本

除戍卒令以史記大事修

漢孝文皇帝十四年冬匈奴老上單于稽粥十四萬騎

攻朝那塞蕭關殺北地都尉孫卬遂至彭陽侯騎至

甘泉以周赦為衛將軍張武為車騎將軍將軍將車千乘

十萬屯長安旁以備長安以昌侯盧卿寧侯魏邀隆

侯周竈皆為將軍屯上郡北地隴西張相如為大將軍

董赫樂布為將軍大發車騎以擊匈奴匈奴遁走出

塞以本紀列傳修

以中郎署長安唐為車騎都尉赦囚徒魏尚復以為

雲中守以史記列傳荀氏漢書通鑑修

春三月增諸祀壇場珪幣以本紀修

河間文王辟彊薨立太子福為河間王以通鑑漢書年表修

漢孝文皇帝十五年春黃龍見成紀以本紀修

以公孫臣為博士議改正朔服色以史記本紀封禪書修

夏四月帝幸雍始郊見五帝以本紀修

九月詔諸侯王公卿郡守舉賢良能直言極諫者上

策之以本紀修

齊文王則河間哀王福皆薨無子國除以通鑑修

新垣平以望氣見以本紀修

漢孝文皇帝十六年作渭陽五帝廟夏四月帝郊見五

帝於渭陽以新垣平為上大夫命博士諸生刺六經作

王制以封禪書郊祀志注修

復於長門道北立五帝壇以郊祀志修

徙淮南王喜復為城陽王以通鑑修

丙寅分齊為六國立悼惠王子揚虛侯將閭為齊王安

都侯志為濟北王武成侯賢為菑川王白石侯雄渠為

膠東王平昌侯卬為膠西王勃侯辟光為齊南王又分淮南為三國立厲王子阜陵侯安為淮南王安陽侯勃為衡山王陽周侯賜為廬江王以通鑑稽古錄修

秋九月得玉杯新垣平言侯日再中詔更以明年為元年作汾陰廟以郊祀志修

漢孝文皇帝後元年冬十月新垣平詐覺謀反夷三族

紀本

春三月孝惠皇后張氏薨於北宮

以本紀及注修

詔議民食

以本紀修

漢孝文皇帝後二年夏帝幸雍棧陽宮

以本紀修

六月代孝王參薨立太子登為代王

以本紀列傳修

復與匈奴和親

通鑑綱目

八月戊辰丞相張蒼免庚午以御史大夫關內侯申屠

嘉為丞相封故安侯

以史記年表列傳修

星隕梁野

以荀氏漢紀修

漢孝文皇帝後三年春二月帝幸代

以本紀修

匈奴老上單于稽粥死子軍臣立為單于

以通鑑史記列傳注修

秋大雨四十五日

以荀氏漢紀修

以中郎將張釋之為廷尉

以年表列傳修

漢孝文皇帝後四年夏四月丙寅晦日有食之

紀本

五月赦天下免官奴婢為庶人紀本

帝幸雍以本紀修

漢孝文皇帝後五年春正月帝幸隴西以本紀修

三月帝幸雍以本紀修

六月齊有狗生角以荀氏漢紀修

秋七月帝幸代以本紀修

漢孝文皇帝後六年冬匈奴絕和親大入上郡雲中以

中大夫令免故楚相蘇意郎中令張武為將軍屯飛狐

句注北地又以河內守周亞夫宗正劉禮祝茲侯徐厲

為將軍屯細柳霸上棘門數月匈奴亦罷以本紀史記漢書

夏四月大旱蝗紀本

甲申漢孝文皇帝後七年夏六月己亥帝崩于未央宮

遺詔短喪以本紀通鑑綱目修

乙巳葬霸陵上謚曰孝文皇帝太子即位于高廟丁未

襲號曰皇帝以漢書史記本紀修

尊皇太后曰太皇太后皇后曰皇太后通鑑

乙卯封皇太后弟竇廣國為章武侯兄子竇彭祖為

南皮侯以史記年表修

秋九月有星孛于西方紀本

長沙靖王吳著薨無子國除以史記年表修

漢孝景皇帝元冬十月尊高皇帝為太祖孝文皇帝

年為太宗令郡國皆立廟綱目通鑑

春正月詔聽民徙寬大地綱目通鑑

夏四月乙卯赦天下本紀史記修

匈奴入代遣御史大夫陶青至代約和親以史記漢書本紀修

五月復收民田半租二十而稅一以本紀通鑑食貨志修

減笞法綱目通鑑

以太中大夫周仁為郎中令張敞為廷尉中大夫晁錯

為左內史以年表通鑑修

太中大夫鄧通免尋坐盜出徼外鑄錢沒其家以列傳修

前趙王遂河間郡膠西王卬六縣以史記吳王傳修

大事記卷第十

大事記卷第十一

大事記卷第十一

東萊呂祖謙伯恭

漢孝景王帝二年冬十二月有星孛于西南紀本

令天下男子二十始傅紀本

春三月甲寅立皇子德為河間王闕為臨江王餘為淮

陽王非為汝南王彭祖為廣川王發為長沙王通鑑

夏四月壬午立皇太后薄氏崩通鑑

八月丞相故安節侯申徒嘉薨以年表修

封故丞相蕭何孫係為武陵侯以漢書史記本紀傳

秋與匈奴和親紀本

八月丁未以御史大夫開封侯陶清為丞相丁巳以內

史鼂錯為御史大夫通鑑

彗星出東北史記本紀

雨雹於衡山以史記本紀修

灾惑逆行守北辰月出北辰間歲星逆行天庭中以史

記本紀修

漢孝景皇帝三年冬十月梁王武來朝詹事竇嬰以

病免太后除嬰門籍以通鑑史記列傳修

定王楚戊來朝削其東海郡以史記列傳修

春三月彗星出西方以史記本紀傳

削吳王豫章會稽郡以史記列傳修

吳王濞楚王戊趙王遂膠西王卬濟南王辟光菑川王

賢膠東王雄渠反南連越布壯連匈奴吳楚圍梁膠西濟

南菑川膠東圍齊帝以中尉周亞夫為太尉將三十六

將軍擊吳楚故詹事竇嬰為大將軍屯滎陽曲周侯酈

寄擊趙將軍欒布救齊赦天下斬御史大夫鼂錯以謝

七國周亞夫壁昌邑南以梁委吳而絕其糧道二月吳

楚食盡引去亞夫追追擊大破之楚王戊自殺壬午晦日

有食之三月東越斬吳王濞於丹徒欒布敗諸侯兵解

齊圍齊王將閭自殺膠西王卬濟南王辟光菑川王賢

膠東王雄渠皆伏謀立齊太子壽為齊王夏六月乙亥

徙淮陽王餘為魯王汝南王非為江都王立子端為膠

西王勝為中山王宗正禮為楚王秋九月酈寄樂布成

趙趙王遂自殺以史記本紀列傳通鑑

賜民爵一級紀本

漢孝景王帝四年春復置諸閔用傳出入紀本

夏四月乙巳立太子榮為皇太子徹為膠東王紀本

六月赦天下賜民爵一級紀本

徙汝南王非為江都王以年表修

賜梁王武汝南王非天子旌旗以世修

秋七月臨江哀王闕薨無後國除以本紀年表修

後九月更以弋陽為陽陵史記本紀

徙衡山王勃為濟北王廬江王賜為衡山王以年表通鑑修

漢孝景皇帝五年冬十月戊戌晦日有食之以本紀年表修

春正月作陽陵邑募民徙居之通鑑綱目

夏五月丁卯封長主子嬌為馬隆慮侯史記本紀

遣公主嫁匈奴單于紀本

徙廣川王彭祖為趙王通鑑

漢孝景皇帝六年冬十二月雷霖雨紀本

秋九月皇后薄氏廢紀本

後九月伐馳道樹填蘭池史記本紀

漢孝景皇帝七年冬十月梁王武來朝以列傳修

十一月乙丑廢皇太子榮為臨江王以史記本紀年表修

中尉衛綰免以濟南太守郅都代之以列傳修年表

庚寅晦日有食之通鑑

二月丞相陶青免乙巳太尉條侯周亞夫為丞相罷太

尉官以史記本紀通鑑修

夏四月乙巳立膠東王太后王氏為皇后丁巳立膠東

王徹為皇太子以史記本紀修

以故中尉衛綰為太子太傅以列傳修

漢孝景皇帝中元年夏四月赦天下賜民爵一級本紀

封故御史大夫周苛孫平為繩侯故御史大夫周昌子

左車為安陽侯以史記本紀修漢書

衡山地震原都雨雹大者尺八寸以史記本紀通鑑修漢書

漢孝景皇帝中二年春二月定諸侯薨葬立嗣之制以漢書本紀修

書本紀修

匈奴入燕終本

三月臨江王榮下中尉府自殺國除以史記本紀年表修

夏四月有星孛於西北本紀

乙巳立子越為廣川王寄為膠東王以年表本紀修

秋七月更郡守為太守郡尉為都尉紀本

秋九月甲戌晦日有食之通鑑

梁王武使人刺殺故楚相袁盎詣闕謝罪綱目

甲午漢孝景皇帝中三年冬十一月罷諸侯御史大夫

官紀本

十二月匈奴王徐盧等七人降皆封為列侯以史記年表世家本

紀本

春三月丁巳封子乘為清河王以史記年表修本

夏四月旱禁酤酒以荀氏漢紀

秋九月蝗有星孛于西北戊戌晦日有食之丞相周亞

夫免以御史大夫桃侯劉舍為丞相以本紀修本

漢孝景王帝中四年春三月作德陽宮以本紀修本

夏大蝗以史記修本

秋赦徒作陽陵者以史記修本

漢孝景皇帝中五年冬十月戊午日有食之以本紀修本

春三月丁巳立子舜為常山王以年表修本

夏五月甲戌封皇后兄王信為蓋侯以年表修本

六月丁巳赦天下賜民爵一級紀本

大水通鑑

秋八月己酉未央宮東闕災紀本

令諸侯王不得治國更名諸侯丞相為相它官皆損

其員以百官表本紀修

秋九月詔諸侯獄疑輒讞之以本紀修

地震通鑑

漢孝景王帝中六年冬十月梁王武來朝以通鑑修

十一月改諸官名本紀

定鑄錢偽黃金棄市律本紀

春三月乙卯帝幸雍郊五時以通鑑史記本紀修

三月雨雪本紀

夏四月梁孝王武薨立其子買為梁王以本紀年表修

五月丙戌分梁地立孝王子明為濟川王彭離為濟東

王定為山陽王不識為濟陰王以本紀年表修

定長吏車服之制以本紀修

減笞法定華令本紀

匈奴入鴈門上郡以本紀修

秋七月辛亥晦日有食之本紀

以甯成為中尉以通鑑列傳修

城陽共王喜薨通鑑

漢孝景皇帝後元年春正月詔獄讞不當不為失以本紀修

二月丁酉赦天下賜中二十石諸侯相爵右庶長夏大

酺五月民得酺酒以史本紀記漢

五月丙戌地震以史本紀修

秋七月丙午丞相劉舍免年表

乙巳晦日有食之紀本

八月壬辰以御史大夫建陵侯衛綰為丞相以年表

條侯周亞天下獄死紀本

漢孝景皇帝後一年冬十月省徹侯之國紀本

春正月地一日三動以史本紀

以歲不登禁天下食不造歲令內史郡不得以粟食馬

令徒隸衣七縷布以史本紀修

三月匈奴入鴈門以史本紀

夏五月詔貲筭四得官通鑑

租長陵田以史本紀

秋大旱衡山國河東雲中郡民疫以史本紀修漢書

漢孝景皇帝後三年冬十月日月皆食赤五日以史本紀

春二月晦雷日如紫五星逆行守太微月貫天庭中以史本紀

紀本

春正月詔勸農桑禁采黃金珠玉通鑑

甲寅皇太子冠以史本紀

甲子帝崩于未央宮紀本

二月癸酉葬陽陵上謚曰孝景皇帝丙子太子即位尊
皇太后曰太皇太后皇后曰皇太后以史記大事記文
帝紀景帝紀修
三月封皇太后同母弟田蚡為武安侯勝為周陽侯漢

書史記
本紀修

漢孝武皇帝建元元年冬十月舉賢良方正之士轅固
以老罷歸以董仲舒為江都相莊助為中大夫治申韓

蘇張之言者皆罷之以本紀
列傳修

春二月赦天下紀本

行三銖錢紀本

夏四月詔民年九十以上復子若孫令供養以本
紀修

五月詔脩山川祠以本
紀修

六月丞相衛綰免丙寅以魏其侯竇嬰為丞相武安侯

田蚡為太尉趙綰為御史大夫臧為郎中令以年表
列傳修

秋七月詔省衛士萬人罷苑馬以賜貧民以本
紀修

徵魯申公議立明堂帝問以政事對曰為治者不至多

言顧力行何如耳以本紀
列傳修

又徵枚乘道死以列
傳修

內史甯成抵罪髡鑑以年表
通鑑修

漢孝武皇帝建元二年冬十月淮南王安來朝通
鑑

御史大夫趙綰郎中令王臧下獄死丞相竇嬰太尉田

蚡免以石建為郎中令弟慶為內史以年表列通鑑修

春二月丙戌朔日有食之紀本

夏四月戊申有星如日夜出通鑑

初置茂陵邑紀本

漢孝武皇帝建元三年冬十月代王登長沙王發中山

王勝濟川王明來朝以史記年表通鑑修

春河水溢於平原大飢人相食紀本

初作便門橋紀本

秋七月有星孛於西北紀本

廢濟川王明為庶人遷房陵國除以列傳修

閩越圍東甌遣莊助發兵救之遂徙其衆於江淮間

以本紀列傳修

九月丙子晦日有食之

始為微行通鑑

起上林死東方列傳

甲申漢孝武皇帝建元四年夏有風赤如血紀本

六月旱紀本

秋九月有星孛于東北紀本

南越王趙佗死其孫胡越為南越王以通鑑列傳修

漢孝武皇帝建元五年春罷三銖錢行半兩錢紀本

置五經博士

紀本

夏五月大蝗

紀本

秋八月廣川惠王越薨立其太子齊為王清河哀王乘

薨無子國除

以本紀
列傳修

大事記卷第十一

大事記卷第十二

東萊呂祖謙伯恭

漢孝武皇帝建元六年春二月乙未遼東高廟災夏四

月壬子高園便殿火

紀本

五月丁亥太皇太后竇氏崩

以本紀修

六月癸巳丞相許昌免以武安侯田蚡為丞相絀黃老

之言復申刑名百家之禁延文學儒者以百數

以百官
表儒林

傳修

秋八月有星孛於東方長竟天

紀本

閩越王郢攻南越遣大行王恢大司農韓安國擊之閩

越王弟餘善殺郢謝罪立無諸孫丑為越繇王餘善為

東越王以本紀列傳修

以東海太守汲黯為主爵都尉以百官表修

與匈奴和親綱目鑑

遣唐蒙通夜郎置犍為郡以列傳修

漢孝武皇帝元光元年冬十一月初令郡國舉孝廉以本紀修

紀修

衛尉李廣為驍騎將軍屯雲中程不識為車騎將軍屯

鴈門六月罷紀本

夏四月赦天下復七國宗室前絕屬者紀本

五月詔舉賢良文學帝親策之以通鑑修

秋七月癸未日有食之紀本

天星盡搖以荀氏漢紀修

主父偃徐樂嚴安上書言事皆以為郎中以列傳修

漢孝武皇帝元光二年冬十月帝幸雍祠五時以本紀修

始親祠竈遺方士入海求蓬萊以封禪書通鑑修

立太一祠綱目鑑

夏六月從王恢議將三十萬衆屯馬邑谷中誘擊單于

不克恢下獄死以列傳本紀修

匈奴絕和親攻當路塞以列傳修

漢孝武皇帝元光三年春河徙從頓丘入勃海以本紀修

夏五月河決濮陽瓠子注鉅野通淮泗沅郡十六以通鑑修

漢孝武皇帝元光四年冬十二月殺魏其侯竇嬰以本紀修

鑑列傳修

春三月乙卯丞相武安侯田蚡薨以本紀修

夏四月隕霜殺草以本紀修

五月丁巳以平棘侯薛澤為丞相以通鑑

地震赦天下以本紀修

漢孝武皇帝元光五年冬十月河間王德來朝獻雅樂

春正月薨謚曰獻以史記年表通鑑列傳修

發巴蜀吏卒治西南夷道以本紀修

治鴈門阻險以本紀修

秋七月大風拔木以本紀修

乙巳皇后陳氏廢以本紀修

以張湯為太中大夫與趙禹定律令以列傳修

八月螟以本紀修

策賢良文學擢公孫弘為博士尋以為左內史以列傳修

漢孝武皇帝元光六年冬初筭商車以本紀修

春穿漕渠通渭以本紀修

夏大旱蝗以本紀修

秋匈奴入上谷以太中大夫衛青為車騎將軍出上谷
衛尉李廣為驍騎將軍出鴈門太中大夫公孫敖為騎
將軍出代太僕公孫賀為輕車將軍出雲中廣敖失師
賀亦無功唯青至龍城頗斬首虜賜爵關內侯以史記匈奴傳

漢書本紀史記公孫卿表荀氏漢紀修

遣司馬相如通邛都置一都尉十餘縣以西南夷司馬相如傳修

西南夷始置郵亭以史記大事記修

為薰偃置酒宣室中郎東方朔諫曰宣室者先帝之正

處也淫亂之漸其變為篡詔更置酒北宮以列傳修

漢孝武皇帝元朔元年冬匈奴盜邊以衛尉韓安國為

材官將軍屯漁陽以韓安國列傳修

十一月詔議二千石不舉孝廉者罪以本紀修

子據生春三月甲子立夫人衛氏為皇后以列傳本紀修

赦天下以本紀修

秋匈奴入遼西漁陽鴈門遣將軍衛青出鴈門將軍李

息出代獲首虜數千級以本紀修

東夷歲君南閭等二十八萬人降置蒼海郡以本紀修

燕王定國有罪自殺國除以史記年表修

甲寅漢孝武皇帝元朔二年冬賜淮南王菑川王几杖

母朝以本紀修

春正月詔諸侯王得分邑土封子弟為列侯以本紀荀氏漢紀修

匈奴入上谷漁陽遣車騎將軍衛青擊走之遂取河南

地置朔方五原郡以本紀列傳地理志修

三月乙亥晦日有食之紀本

夏募民徙朔方十萬口紀本

徙郡國豪傑於茂陵綱目鑑

齊厲王次昌自殺無後國除族誅齊相主父偃以史記年表漢

書列傳修

御史大夫張歐告老帝欲以孔臧為御史大夫臧請為

太常典家業從之以列傳孔叢子通鑑修

漢孝武皇帝元朔三年冬匈奴軍臣單于死其弟左谷

蠡王伊稚斜自立為單于軍臣單于太子於單來降以本傳修

以左內史公孫弘為御史大夫中大夫張湯為廷尉以年

表修

族誅郭解以通鑑修

春罷蒼海郡紀本

三月赦天下紀本

張騫使月氏還以為太中大夫以列傳通鑑修

夏匈奴入代郡殺太守共友以列傳修

六月庚午皇太后王氏崩以本紀修

罷西夷獨置南夷兩縣一都尉城朔方城以列傳修

大酺紀本

匈奴入鴈門以列傳修通鑑

漢孝武皇帝元朔四年冬帝幸甘泉以本紀修

夏匈奴入代定襄上郡紀本

漢孝武皇帝元朔五年冬十一月乙丑丞相薛澤免以

御史大夫公孫弘為丞相封平津侯以年表列傳通鑑修

以汲黯為右內史董仲舒為膠西王相以列傳通鑑修

春大旱紀本

匈奴寇朔方遣衛青率六將軍擊之圍右賢王獲首虜

萬五千級還拜青為大將軍以本紀列傳修

夏六月置博士弟子員以本紀修

秋匈奴入代殺都尉朱英以列傳修

賜衡山王賜不朝以列傳修

漢孝武皇帝元朔六年春二月遣大將軍衛青將六將

軍十萬餘騎擊匈奴以本紀修

赦天下紀本

夏四月衛青復將六將軍絕幕斬首虜萬餘右將軍蘇

建前將軍趙信為單于敗信降匈奴建盡亡其軍唯票

姚校尉霍去病有功封冠軍侯以列傳修

六月置武功爵紀本

漢孝武皇帝元狩元年冬十月帝幸雍祠五畤獲一角

獸以本紀 郊 志修

淮南王安衡山王賜謀反自殺綱通 目鑑

十二月大雨雪紀本

夏四月赦天下紀本

丁卯立子據為皇太子以本 紀修

遣謁者巡行天下賜孝弟力田耆老孤寡帛各有差以本

五月乙巳晦日有食之紀本

匈奴入上谷殺數百人紀本

復事西南夷以史記通鑑西 南夷大宛傳修

漢孝武皇帝元狩二年冬十月帝幸雍祠五畤以本 紀修

春三月戊寅平津獻侯公孫弘薨壬辰以御史大夫樂

安侯李蔡為丞相廷尉張湯為御史大夫年表 通鑑

以冠軍侯霍去病為驃騎將軍擊匈奴得休屠王祭天

金人獲首虜萬八千餘級以列 傳修

夏得馬余吾水中南越獻馴象能言鳥以本 紀修

立樂府以宦者李延年为協律都尉以本 紀修 禮

遣驃騎將軍霍去病合騎侯公孫敖出北地衛尉張騫

郎中令李廣出右北平擊匈奴去病至祁連山斬首虜
三萬餘級益封五千戶裨將三人皆封侯教騫失期當
死贖為庶人廣軍幾沒無賞列傳修紀本

江都王建有罪自殺紀本

秋匈奴昆邪王將四萬餘人來降置五屬國以處之本以

紀修

以方士齊人少翁為文成將軍以封禪書修

作甘泉宮以封禪書修

漢孝武皇帝元狩三年春有星孛于東方紀本

夏大旱荀氏漢紀

五月赦天下紀本

立膠東康王少子慶為六安王紀本

封故相國蕭何曾孫慶為鄼侯以本紀年表修

秋匈奴入右北平定襄紀本

山東大水徙貧民於關西朔方七十餘萬口以通鑑平準書修

作昆明池以本紀修

漢孝武皇帝元狩四年冬造白金皮幣罷半兩錢行三

銖錢以本紀準書修

以東郭咸陽孔僅為大農丞桑弘羊為侍中以平準書修

初算緡錢紀本

以卜式為中郎以平準書修

春有星孛於東北紀本

夏有長星出于西北紀本

遣大將軍衛青驃騎將軍霍去病各將五萬騎絕幕擊

匈奴青園單于不克去病封狼居胥山獲首虜七萬餘

級益封五千八百戶前將軍李廣自殺以列傳修

衛青霍去病皆加大司馬以百官表列傳修

匈奴請和親博士狄山與張湯異議遣乘障為匈奴所

殺以列傳修

右內史汲黯免以義縱為右內史王溫舒為中尉楊僕

為主爵都尉以百官表修

文成將軍少翁伏誅以通鑑綱目修

漢孝武皇帝元狩五年春三月甲午丞相李蔡有罪自

殺紀本

罷三銖錢行五銖錢以本紀修

初權鹽鐵以平準書修

董仲舒請限民田不從以食貨志修

以汲黯為淮陽太守以通鑑修

徙天下姦猾吏民於邊紀本

夏四月乙卯以太子少傅武彊侯莊青翟為丞相

赦天下祠壽宮神君以通鑑封

以司馬安為廷尉表年

甲子漢孝武皇帝元狩六年冬十月雨水無冰紀本

楊可告緡右內史義縱坐廢格誅以列傳通鑑修

驃騎將軍霍去病殺郎中令李敢以通鑑列傳修

夏四月乙巳立子閔為齊王旦為燕王胥為廣陵王以本

紀修

六月遣博士褚大徐偃等六人分行郡國以平準書修

秋九月大司馬驃騎將軍霍去病薨以其弟光為奉車

都尉以本紀列傳修

大農令顏異坐腹誹誅以平準書修

漢孝武皇帝元鼎元年夏五月赦天下大酺五日紀本

濟東王彭離有罪廢處上庸國除紀本

漢孝武皇帝元鼎二年冬十一月御史大夫張湯有罪

自殺紀本

十二月壬辰丞相莊青翟下獄自殺以百官表通鑑修

春作栢梁臺以本紀修

二月辛亥以太子太傅高陵侯趙周為丞相以史記漢書年表修

三月大雨雪紀本

夏大水紀本

秋九月遣博士中等循行江南振救飢民紀以本修

以孔僅為大農令桑弘羊為大農丞以百官表平準書修

置水衡都尉官以百官表修

行赤側錢罷白金以平準書修

遣中郎將張騫使烏孫通西域以通鑑修

漢孝武皇帝元鼎三年冬徙函谷關於新安以故關為

弘農縣紀本

十二月令民告緡者以其半與之紀本

令株送徒入財補卽以平準書通鑑綱目修

正月戊子陽陵園火紀本

夏四月雨雹紀本

關東郡國十餘飢人相食紀本

常山憲王舜薨太子勃嗣立有罪國除為常山郡以憲

王子平為真定王子商為泗水王以年表列傳修

徙代王義為清河王通鑑

匈奴伊稚斜單于死子烏維立為單于以列傳通鑑修

以關都尉尹齊為中尉以百官表修

漢孝武皇帝元鼎四年冬十月帝幸雍祠五時紀本

始巡郡國東渡河幸汾陰十一月甲子立后土祠于汾

陰睢上至滎陽而還以本紀平準書修

封周後姬嘉為周子南君綱目

春以方士樂大為五利將軍夏四月乙巳封為樂通侯

以通鑑却紀
志年表修

六月得寶鼎后土祠旁紀本

秋得馬於渥洼水中紀本

中尉尹齊免徙廷尉王温舒代之以故少府趙禹為廷

尉中大夫兒寬為左内史表修
以百官

遣安國少季諭南粵衛尉路博德將兵屯桂陽列傳
通鑑

以方士公孫卿為郎以通
鑑修

罷赤側錢專令上林三官鑄錢以平
準書修

漢孝武皇帝元鼎五年冬十月帝幸雍祠五畤遂西踰

隴登空同北出蕭關獵新秦中以勒邊兵而還以本
紀平準書

修

十一月辛巳朔旦冬至郊見太一於甘泉泰畤以本
紀修

三月南粵相呂嘉殺漢使者及其王興王太后嫪氏立

興兄子建德為王以本
紀列傳修

夏四月赦天下紀本

丁丑晦日有食之紀本

秋遣伏波將軍路博德樓船將軍楊僕等擊南越以本
紀修

賜卜式爵關内侯通鑑
綱目

九月列侯坐獻黃金酎祭宗廟不如法奪爵者百六人
辛巳丞相趙周下獄死以本紀年表修

以御史大夫石慶為丞相封牧丘侯以百官表修

五利將軍樂大坐誣罔誅以本紀却志修

西羗反圍抱罕匈奴入五原殺太守以本紀修

漢孝武皇帝元鼎六年冬十月朝會不置酒以楊僕傳修

遣將軍李息郎中令徐自為征西羗平之以本紀修

令三百石以上吏以差出馬以平準書修

路博德楊僕滅南越獲其王建德相呂嘉以其地為南

海蒼梧鬱林合浦交趾九真日南珠崖儋耳九郡以通鑑本

紀修

春帝幸緱氏城視僊人跡以通鑑修

西南夷反遣中郎將郭昌衛廣擊滅之以為武都牂柯

越雋沈黎文山郡以列傳本紀修

秋冬越王餘善反遣韓說王溫舒楊僕擊之以本紀修

遣浮沮將軍公孫賀出九原匈奴將軍趙破奴出令居

皆二千餘里不見虜而還乃分武威酒泉地置張掖敦

煌郡以本紀

以齊相卜式為御史大夫以百官表修

作六輔渠以溝洫志修

漢孝武皇帝元封元年冬十月帝北巡登單于臺臨北河勒兵十八萬匈奴驚不敢出乃入塞罷兵還甘泉

紀稽古錄修

遣趙破奴擊西域虜樓蘭車師王

以年表大宛傳修

東越殺其王餘善降遷其民江淮間虛其地

以本紀修

貶御史大夫卜式為太子太傅以右內史兒寬代之

以列

傳年表修

以大農丞桑弘羊為治粟都尉領大農

以平準書修

置均輸平準

以平準書修

以咸宣為左內史閻奉為水衡都尉

以百官表修

春正月帝幸緱氏祭中嶽遂東巡海上夏四月帝還登

封泰山降禪肅然山改元赦天下復東北至碣石九原

而還

以本紀封禪書修

令吏民入粟補官贖罪罷告緡益歲漢六百萬石賜桑

弘羊爵左庶長

以平準書修

秋有星孛於東井又孛於三台

以本紀

齊王閔薨無子國除

以通鑑

漢孝武皇帝元封二年冬十月帝行幸雍祠五畤

以本紀

春正月幸緱氏遂至東萊夏四月還祠泰山至魏子塞

決河作宣防宮

以荀氏漢紀通鑑修

帝至自瓠子以通鑑修

初立越祠雞卜以封禪書通鑑修

作甘泉通天臺長安作蜚廉桂觀以本紀封禪書修

朝鮮王衛右渠反攻殺遼東都尉涉河以本紀通鑑修

六月赦天下以本紀修

秋作明堂於汶上通鑑

遣樓船將軍楊僕左將軍荀彘擊朝鮮以本紀修

又遣郭昌衛廣平西南夷未服者降滇王以為益州郡

以本紀西夷傳修

以御史中丞杜周為廷尉以百官表修

漢孝武皇帝元封三年冬十二月雷雨雹大如馬頭紀本

春作角抵戲紀本

夏朝鮮殺其王右渠降以其地為樂浪臨屯玄菟真番

郡荀彘坐爭功誅楊僕免為庶人以本紀修

夏旱令天下祠靈星以封禪書修

武都氏反分徙酒泉郡以本紀修

甲戌漢孝武皇帝元封四年冬十月帝幸雍祠五畤春

三月還祠后土赦汾陰三縣以本紀修

帝至自汾陰新補

夏大旱關東流民二百萬口以本紀石慶傳修

匈奴寇邊遣郭昌趙破奴屯朔方以本紀

漢孝武皇帝元封五年冬帝南巡至南郡望祠虞舜于

九嶷親射蛟江中獲之遂北至琅邪春三月至泰山增

封祠太一五帝於明堂配以高祖因朝諸侯受計於明

堂赦天下夏還甘泉郊泰時以本紀

大司馬大將軍長平烈侯衛青薨以本紀

初置刺史部十三州紀本

詔州郡察吏民有茂材異等可為將相使絕國者以本紀

漢孝武皇帝元封六年春作首山宮紀本

三月帝幸河東祠后土以本紀

益州昆明反遣拔胡將軍郭昌擊之以本紀

秋大旱蝗紀本

以宗室女為公主妻烏孫以通鑑

匈奴烏維單于死子烏師廬立通鑑

漢孝武皇帝太初元年冬十月帝幸泰山十一月甲子

朔冬至祠太一五帝于明堂以本紀

乙酉栢梁臺災紀本

十二月甲午朔禪高里祠后土東臨勃海望祠蓬萊春

正月還受計于甘泉以本紀

二月作建章宮以本紀

夏五月正歷以正月為歲首紀本

定官名紀本

築受降城紀本

遣貳師將軍李廣利擊大宛紀本

關東蝗大起飛西至燉煌通鑑

詛匈奴大宛書修

漢孝武皇帝太初二年春正月戊申丞相牧丘恬侯石

慶薨以本紀通鑑修

秋八月幸安定以本紀修

閏月丁丑以太僕公孫賀為丞相封葛繹侯以通鑑修

三月幸河東祠后土以本紀修

夏四月赦汾陰安邑殊死呂下紀本

五月籍吏民馬補車騎馬紀本

秋蝗紀本

李廣利攻大宛郁成城不克還屯敦煌以通鑑列傳修

遣浚稽將軍趙破奴將二萬騎擊匈奴皆沒於虜以本紀列傳修

傳修

漢孝武皇帝太初三年春正月帝東巡海上夏四月還

脩封泰山以本紀修

匈奴烏師廬單于死季父句黎胡立以史記漢書匈奴傳修

遣光祿勳徐自為築五原塞外列城疆弩都尉路博德築居延澤以本紀匈奴傳修

秋匈奴入定襄雲中張掖酒泉以本紀匈奴傳修

睢陽侯張昌有罪國除高祖功臣至是見侯四人以通鑑修

大發兵復遣李廣利圍大宛宛殺其王母寡以謝獲善馬

數十匹以通鑑列傳修

漢孝武皇帝太初四年春李廣利軍還封海西侯八千

戶執樓蘭王詣闕既而遣歸國以列傳修

秋作明光宮以本紀修

匈奴向黎胡單于死弟且鞮侯立盡歸漢使之不降者

以匈奴傳修

冬始稅武關出入者以本紀修

漢孝武皇帝天漢元年春正月帝幸甘泉郊泰畤二月

幸河東祠后土以本紀修

遣中即將蘇武使匈奴匈奴欲降之不可乃徙之海上

以通鑑列傳修

夏大旱以荀氏漢紀修

五月赦天下以本紀修

秋大搜以本紀修

發謫戍屯五原以本紀修

守軍正丞胡建擅斬監察御史釋之紀以荀氏漢列傳修

漢孝武皇帝天漢二年春帝幸東海還幸回中紀以本修

夏五月遣貳師將軍李廣利擊匈奴右賢王於天山還

為匈奴所圍死者十六七又遣因行將軍公孫敖出西

河無所得騎都尉李陵出居延北與單于戰斬首萬餘

級陵兵敗降匈奴列以本紀傳修

大史令司馬遷下蠶室著書百三十篇列以本傳修

秋大搜紀本

齊楚燕趙盜群起遣直指使者暴勝之逐捕以軍興法

誅二千石以下列以本紀傳修

遣開陵侯成婉發樓蘭兵擊車師匈奴救之引還表以年西

域傳修

漢孝武皇帝天漢三年春二月以執金吾杜周為御史

大夫表以百官修

初榷酒酤紀本

三月帝幸泰山脩封祀明堂因受計還祠常山紀以本修

夏四月大旱赦天下鑑通

秋匈奴入鴈門紀本

甲申漢孝武皇帝天漢四年春正月朝諸侯王於甘泉

宮紀本

遣貳師將軍李廣利出朔方因杆將軍公孫敖出鴈門
游擊將軍韓說出五原皆戰不利引還紀以本

夏四月立皇子臯為昌邑王本紀

秋九月令死罪人入贖紀以本

漢孝武皇帝太始元年春正月徙郡國豪傑於茂陵雲

陽以本紀

夏六月赦天下紀本

匈奴且鞮侯單于死子孤鹿始立傳以匈奴

漢孝武皇帝太始二年春三月更黃金為麟趾裏蹠本以

紀修

秋旱紀本

作白渠以溝洫志修

漢孝武皇帝太始三年春正月帝幸甘泉饗外國客紀本

二月帝幸東海琅邪浮海而還紀以本

子弗陵生命其生門曰堯母門鑑以通修

以直指使者江充為水衡都尉表以年修

漢孝武皇帝太始四年春三月幸泰山壬午祀高祖於

明堂癸未祀孝景皇帝于明堂甲申修封紀以本

夏四月幸不其五月還幸建章宮赦天下紀以本

冬十月甲寅晦日有食之紀本

十二月帝幸雍祠五時

漢孝武皇帝征和元年春正月帝至自北地以本紀修

三月趙敬肅王彭祖薨遣死者使立其子昌為趙王以列傳修

夏大旱紀本

冬十一月大搜十一日乃解巫蠱起以本紀修

漢孝武皇帝征和二年春正月丞相公孫賀坐巫蠱族

誅以本紀列傳修

涿郡鐵官鐵飛以五行志修

二月以涿郡太守劉屈氂為左丞相封澎侯以五行志列傳修

夏四月大風發屋折木紀本

閏月諸邑公主陽石公主平陽侯曹宗故長平侯衛伉

故囚杆將軍公孫敖皆坐巫蠱誅以本紀五行志列傳修

帝幸甘泉以本紀修

秋七月使者江充掘蠱太子宮皇太子據斬充發兵與

丞相劉屈氂戰出奔皇后衛氏自殺初置城門屯兵敗

八月辛亥據自殺于湖以本紀修

癸亥地震紀本

九月立趙敬肅王少子修為平干王以本紀列傳修

匈奴入上谷五原以本紀修

漢孝武皇帝征和三年春正月帝幸雍至安定北地而

還以本紀修

匈奴入五原酒泉紀本

三月遣貳師將軍李廣利等擊匈奴紀以本修

夏五月赦天下紀本

遣開陵侯成輓發樓蘭六國兵圍車師獲其王列以通紀修

六月丞相劉屈氂坐巫蠱誅列以本紀修

李廣利深入至郅居水軍敗降匈奴列以通紀修

秋蝗紀本

以高寢郎田千秋為大鴻臚族滅江充家作思子宮年以

表通鑑列傳修

大事記卷第十二



大正六年卷十二

五月...

六月...

七月...

八月...

九月...

十月...

十一月...

十二月...



